



МЕСЯЦА МАЯ В 29-й ДЕНЬ

Святѣя преподобномученицы Феодосии дѣвы

Стихѣры святѣя, глас 8.

Подобен: О, преславнаго чудесе:

Зарёю дѣвства сияющи, / Феодосие честная, /
и порфирю крове / мученія, всемудрая,
обогрѣною, / свѣтло одѣяна, / и в премірный
Христовъ чертогъ всельшися, / отроковице все-
непорочная, / ликуеши с чинми ангельскими, /
воистинну неразоримое ликованіе, славная.

Мученице дѣво, / всехвальная Феодосие, / Хри-
ста вседушно возжелавши, / мученія претерпѣла
еси раны, / доблественне ураняема за твоего
Рачителя / и стружема ногты по ребром. / О,
подвигов твоихъ твёрдаго противленія, / ѣмиже на
зѣмлю воистинну / низвергла еси гордаго.

Добротою души же и телесе / украшена свѣтло, /
Христу пренеслася еси, / славы венцемъ желаючи
от Него увязтися, / Феодосие, мученице всеслав-
ная, / и Царствія яве диадиму, воистинну много-
ценну, / достойно прияти твоему верху, / невеста
нетлѣнная явльшися, всемудрая.

Стихѣры Богородицы, глас и подобен тойже:

Радуйся, душ просвѣщеніе, / согрешающихъ про-
щѣніе, нерадивыхъ исправленіе. / Радуйся, утешѣ-
ніе и радость, скорбящихъ Помощнице. / Радуйся,

Благая, немощных душ исцеление. / Радуйся, примирение к Богу и Ходатаице, / Серафим всех яко сущи святэйши, Чистая.

Плоть от кровей Твоих прием, Превечный Бог / Ты Предстательницу показав человеком, Чистая. / Темже избави рабы Твоя от всякия беды и обстояния / и сетей лукаваго врага / и сияния причаститися сподоби избранных, / вся славыщия и поклоняющияся Тебе.

Спаси мя, Владычице Пречистая, / Яже Спаса Христа неизреченно рождающая: / Ты бо едину стяжах Предстательницу, / и неборимую стену, и покров, и радование, / и души моея Божественное утешение. / Ты убо мя избави неусыпающаго червья / и огня вечнующаго, Мати Христа Бога.

Слава, и ныне:

Да гласы величаю Тя / радостными, Чистая, / и славолюбную человеколюбия Твоего, / от бед спаси / и изми мя душеленных стрел / невидимаго и вселукаваго врага: / Ты бо предлагаю на него, Богоневесто, / оружие твердо и непобедимо, / Мати Христа Бога.

Крестобогородичен:

Что зримое видение, / еже Моима очима видится, о Владыко! / Содержай всю тварь, на Древо воздвиген быв, / и умираеши, всем дай жизнь, — / Богородица, плачущися, глаголаше, / егда узре на Кресте возносяма / из Нея неизреченно возсиявшаго Бога и Человека.

Тропарь, глас 4:

Добродетель благоприятно, мученице, постигла еси, / Христово приятелище бывши чистое / и Святаго Духа дом возлюблен; / отнюдуже посрамил еси врага, борющаго род человеческий, / добре страдавшая, / и посекла еси Копронима, Феодосие, мечем веры, / и к чертогу Небесному преставилася еси, радующися. / Тебе верую чтущим / присно проси велия милости.

Канон, егоже краегранесие: Феодосии мученицы пою славу. **Глас 4.**

Песнь 1

Ирмос: Моря чермную пучину / невлажными
стопами / древний пешешествовав, Израиль / кре-
стообразными Моисеевыми руками / Амаликову
силу в пустыни победил есть.

Бог тебе, Феодосие, бысть путь страдания, / на
Крест волею возшедый, низложив мучителя, /
якоже птице, наругатися, от мученик содела.

Благомощно, Феодосие всечестная, на земли
разорила еси начальника прелести, / крепко по-
страдавши, прехвальная, / и славы венец яко
победоносица, мученице, прияла еси.

Древле велехвальство имевый, ныне низложис-
ся, / твоему терпению, мученице, приразився: /
Креста бо силу восприемши, посрамила еси без-
мерно того шатающаяся.

Богородичен: Лукавно прельсти мя змий, взят
плененна, обожитися желание ми вложь; / Тобою
же, Пречистая, призван быв, обожихся непременно
воистинну.

Песнь 3

Ирмос: Веселится о Тебе Церковь Твоя, Христе,
зовущи: / Ты моя крепость, Господи, / и прибежи-
ще, и утверждение.

Желание Божественное, Феодосие, / тя честну
показа невесту, Христову мученицу, / Того Крест
возлюбившую.

Плоти тлетворное оставльши, о честная, про-
мышление, / Животворящим Духом живёши, Фе-
одосие преславная.

Уврачуй мой ум, Богодарованною твоёю, че-
стная, благодатию, / и душу, страстьми разслаб-
ленную, исцели.

Богородичен: Возставила еси, о Чистая, падший
мой зрак, / рождши Начальника, Владычице, всех
нас воскресения.

Ин кондак, глас 4:

Божественная память твоя, Феодосие, / днесь
возсиявши, / явился миру яко солнце, / сказу-
ющи житие твоё. / Ты бо воздержанием плотская

двизанія разорши / и страданія крѣвню уневѣсти-
лася еси Христови. / Тѣмже хвалѣщая тя избави от
всяких зол, / да зовѣм ти: / радуйся, мати преподѣ-
бая.

Седáлен, глас 8.

Подѣбен: Премудрости:

Кровей твоих струями всю крѣпость лукаваго
диавола / яко войстинну погрузивши, славная, /
прешла еси невредно мук всевеликую пучину / и в
земли святѣй яве вселилася еси, / почестъ трудов
достойно приемши, / чертога входа Небеснаго
сподобилася еси, Феодосие прехвальная. / Моли
Христа Бога грехов оставление подати / чтущим
любовию святую память твою.

Богородичен:

Небесную дверь и кивот, / пресвятую гору,
свѣтлый облак воспойм, / неопалимую купину,
словесный рай, Евы воззваніе, / вселенныя всея
великое сокровище, / яко спасеніе в ней соделася
мирови и оставленіе древних согрешеній. / Сего
ради вопіем Ей: / молися Сыну Твоему прегрешен-
ній оставленіе даровати / благочестно поклоня-
ющимся Всесвятому Рождеству Твоему.

Крестобогородичен:

Агнца, и Пастыря, и Избавителя Агница зрящи
на Крестѣ, / восклицаше, плачущи и, горько рыда-
юще, вопіюще: / мир убо радуется, приемля Тобою
избавленіе, / утроба же Моя горит, зрящи Твое
распятіе, еже терпиши за милосердіе милости. /
Долготерпеливе Господи, милости бездно и источ-
ниче неисчерпаемый, / умилосердися и даруй
согрешеній оставленіе / верою поющим Божѣ-
ственныя страсти Твоя.

Песнь 4

Ирмос: Вознесена Ты видевши Церковь на
Крестѣ, / Солнце праведное, / ста в чине своем, /
достойно взывающе: / слава силе Твоей, Господи.

Шатаясь, мучитель ранами устрашити крѣпость
твоего терпенія хотяше окаянный: / ты же, прех-
вальная, — слава Богу моему, — взывала еси.

Богоданным и **Божественным** именованіем / проувѣденно обогатѣлася еси, мученице страстностице: / **дание*** бо была еси Божие, нас веселящее, / верою ты и любовьию почитающія.

Украшеною, Богомудрая **Феодосие**, мученической кровию твоєю, / омоченою одѣяна одѣждою, — / теку во след Тебѣ, — любовьию Жениху твоему взывала еси.

Богородичен: Воплощенно Слово, Чистая Дѣво, / боголепно родила еси и пребываеши Дѣва. / Темже немолчными гласы, радуйся, Тебѣ, Владычице, / верою несумненною взываем.

Песнь 5

Ирмос: Ты, Господи, мой Свет, / в мир пришел еси, / Свет Святыи, обращаи из мрачна невѣдения / верою воспевающія Тя.

Міро излившееся, Христа возлюбльши, отроковице, / богомудренно последовала еси Сему, пѣснями славащи.

Вѣчную жизнь временною изменила еси, / кровию малою Небесное Царство мученица наследова.

Источают, яко источницы, мученическия мочи цельбы недугующим / и душевныя недуги верою исцеляют.

Богородичен: Кто может Твое сказаѣи тайнство, Всенепорочная? / Зиждителя бо, невместимаго всеми, во чреве Твоем вместила еси.

Песнь 6

Ирмос: Пожру Ти со гласом хваления, Господи, / Церковь вопиет Ти, / от бесовския крове очищися / ради милости от ребр Твоих / истекшею Кровию.

По Тебѣ со тщаніем смерть приимаше **Феодосия** мученица, / прещения мучителей не убоившися, / Твоей страсти уподобився, Христѣ, вольней.

Удобно Крестом Твоим жены укрепившися, / главы змиев, якоже предрекл еси, Спасе, попирают, Твоею любовью уязвляемы / и Божественным Твоим желаніем.

* дание — даяние, дарование.

Богорóдичен: Всю Тя, Голубицу совершённу и предобру, издалéча обрёт, / крин и удóльный цвет, о Богомáти, / Жених мýсленный в Тя вселiся.

Кондáк, глас 2.

Подóбен: В́шних ищá:

Трудáми живóт нетрудный достiгла еси, / крóвию же Копронiма удавила еси, мýченице, / сквёрнаго врагá Христóвы Цёркве, всеблажённая Феодóсие, / и с В́шними радуешься вóинства, / чтýция пáмьять твою покрывáющи.

Песнь 7

Ирмóс: В пещи авраáмстии óтроцы персидстей, / любóвию благочестия пáче, / нежели пламенем, опалáеми, взывáху: / благословён еси в храме слáвы Твоея, Гóсподи.

Тя, богодáнными украсену, мýченице, добрóтами, вéрою зряще, / пёсньми свётло Жениху твоему взывáем: / благословён еси в храме слáвы Твоея, Гóсподи.

Сдéвами священóсицами в Небёсный, мýченице, ныне чертóг, / радующийся, со Христóм возшла еси, взывáющи: / благословён еси в храме слáвы Твоея, Гóсподи.

Богорóдичен: На престóле превознесённе седяй, / престól Тя на земли, Дéво, богоподóбен обрёт, почыл есть: / благословéна Ты в женах еси, Пренепорóчная Владычице.

Песнь 8

Ирмóс: Рúце распростёр, Даниiл / львов зияния в рóве затчé; / óгненную же сiлу угасиша, / добродётелию препоясавшеса, / благочестия рачители óтроцы, взывáюще: / благословите, вся дела Гóсподня, Гóспода.

Разрешившися соуз плотских, Феодóсие честная, / возлетела еси, радующийся, к светообразному чертóгу, невестнически ликующи, / и мучения червлéною крóвию блещáщи, и вопиющи: / благословите, вся дела Гóсподня, Гóспода.

В чертóзе Небёснем жити сподóбилася еси свётло, Феодóсие честная, / вéчнующее благослá-

вие обрѣтши, всеприснопамятная, / и мужества твоего плодом войстинну обогатившия, вопиюще: / благословите, вся дела Господня, Господа.

Украсилася еси тезоименитством яве, Феодосие честная: / Божие бо дание нам изрядно дадеся, всеумная, / даров паче ума воздающе реки, верою поющим: / благословите, вся дела Господня, Господа.

Богородичен: Войстинну рождши Бога, / войстинну Пречистая Мати нареклася еси Богу, / истинно носящи, по коемждо рождении, Богоименство. / Темже Тя, вернии, славим, Богородицу, богомудренно, Всенепорочная Владычице.

Песнь 9

Ирмос: Камень нерукосечный / от несекомыя горы, Тебе, Дево, / краугольный отсечеса, / Христос, совокупивый разстоящаяся естества, / тем, веселящеса, Тя, Богородице, величаем.

Разрешши пленицы согрешений благочестно ты воспевающих / твоими мольбами, Богомудрая Феодосие, мученице прехвальная, / Богу Вседержителю предстоящи, всечестная.

Евы праматере желание художно прият, воззрением к Богу обожена / и бывши Божественным причастием бог. / Темже ты, всеблаженная Феодосие, величаем.

Весь сладость есть твой Жених, страсотерпице, / весь душевное утешение, Феодосие мученице, Христос, / Егоже ныне наслаждающиеся, твоими молитвами нас поминай.

Богородичен: Плотию приити восхотев, украсивый вся словом / в Тя вселися, единому, Святейшу всех, обрѣт, / и Богородицу показа истинную, Мати Дево.

Преподобномученица Феодосия жила в VIII веке. Она родилась по усердной молитве родителей и после их смерти воспитывалась в константинопольском женском монастыре в честь святой мученицы Анастасии. Святая Феодосия приняла постриг в женской обители после того как раздала бедным оставшееся от роди-

телей имущество. Часть денег употребила написание икон Спасителя, Божией Матери и мученицы Анастасии. Когда воцарился Лев Исавр (717—741), жестокий гонитель иконопочитателей, он издал приказ повсеместно уничтожить святые иконы. В Константинополе существовали тогда ворота, называвшиеся «медными», а

над ними уже более 400 лет находил-ся медный образ Спасителя. В 730 го-ду лжепатриарх-иконоборец Анастасий приказал снять образ. Православ-ный народ, во главе которого была преподобномученица Феодосия с дру-гими инокинями, бросился на защиту иконы и опрокинул лестницу вместе с воином, исполнявшим приказ. Лже-патриарх Анастасий, боясь, что волне-ния усилятся, известил о случившем-ся императора. По приказу последне-го воины перебили всех инокинь, а преподобномученицу Феодосию, как самую ревностную защитницу икон, заключили в темницу. В течение недели ей каждый день наносили по сто ударов, а на восьмой день повели вдоль города, жестоко избивая по пути. Один из воинов начал бить мученицу и нанес ей смертельную рану, от которой мученица тотчас

скончалась. Тело святой преподобно-мученицы, брошенное на землю, было с благоговением погребено христиана-ми в монастыре Диокритис в Констан-тинополе. Место погребения препо-добномученицы Феодосии прослави-лось многочисленными исцелениями больных.

Литература

1. Святитель Димитрий, митрополит Ростовский. Жития святых. Т. 9. М., 1908.
2. Филарет (Гумилевский), архи-епископ Черниговский. Жития свя-тых, чтимых Православной Цер-ковью. Май. СПб., 1885.
3. Дестунис С. Жития святых. Май. СПб., 1892.
4. Настольная книга священно-служителя. Т. 3. М., изд. Московской Патриархии, 1979.

В
ТОЙЖЕ
ДЕНЬ



Святаго и блаженнаго Иоанна, Христа ради юродиваго, Устюжскаго чудотворца

НА ВЕЧЕРНИ

На Господи, воззвах: стихирь, глас 4.

Подобен: Званный свыше:

Егда Божественная благодать / возсия в сердца
твоём, премудре Иоанне, / тогда вся, яже в
плоти, мудрования оставил еси / и к свету Богора-
зумия притекл еси; / невозвратно Христу послед-
дуя, / от твоего отечества ко граду Устюгу шествие
сотворив, / и еже по Христе жителство в нем
изволил еси, / и многим образ к добродетели
исправлением твоего жития положив, Богобла-
женне. / Темже и венцем нетления Христос Бог, /
Емуже поработал еси, венча тя, / Егоже моли
спасти и просветити души наша.

Егда рачение и Божественное желание возсия /
в души твоей, святе, / тогда прелестная вся, яже в
мире, мудрования оставль, / и, к Вышним желая,

Вѣшняя възсѣкъ еси. / Отонѣдуже и дар прозрѣ-
 ния, / не от человекъ, ни человекомъ, / но от Вѣшняго
 промысла приимъ, / многимъ ради добродѣтельнаго
 житія познанъ былъ еси, / еще живъ сый, / и по
 преставленіи чудеса творя преславная / силою
 Христа, Бога нашего: / Егѣже моли спасти и
 просветити души наша.

Егда Божественное званіе / прииде на тя, Бого-
 мудре, / тогда, Святымъ Духомъ подвижаемъ, / возникъ
 еси отъ мирскаго сладострастія къ свѣту
 Богоразумія / и отеческія славы и любви избежа-
 ти потщался еси. / Богатство убо и славу яко не
 сущая презрѣлъ еси / и, единого возлюбивъ, истинна-
 го животѣ Христа Бога нашего, / крестъ твой вземъ, /
 Того живонѣснымъ стопамъ послѣдовалъ еси. / Егѣже
 моли, Иоанне досточудне, / спасти и просветити
 души наша.

Ины стихиры, глас 2.

Подобен: Кѣими:

Кѣими похвальными венцы увяземъ преподобна-
 го? / Блаженству венца, благочестія исправле-
 ние, / Церкви свѣтлое украшеніе, / источника
 Божественныхъ исцеленій неизчерпаемаго, / изли-
 ваній духовныхъ рекъ, / землю Устюжскую многихъ
 чудесъ веселящую теченіемъ, / Иоанна доблаго, /
 предстателя нашего и хранителя, / молящася Хри-
 стѣ Богу / даровати душамъ нашимъ миръ и велию
 милость.

Кѣими смиренными устнами воспоемъ блаженна-
 го? / Дивнаго в житіи, Безплотнымъ сожителя, /
 прославленнаго в чудесахъ Богомъ, / столпа Церкви
 недвижимаго, / предстателя сущихъ в бедахъ и
 скорбехъ, / в путь шествующихъ правителя, / сырыхъ и
 обидимыхъ заступника, / больныхъ врача безмѣз-
 дана, / молящася Господеву / даровати намъ велию
 милость.

Приидите, верныхъ собори, / псаломски воспле-
 щите руками, / печальныхъ утешеніе, недужныхъ
 исцеленіе, / блаженнаго Иоанна воспевающе, /
 похвалу земли Устюжскія, / церковное украше-
 ние, / рекѣ милости воистинну, / Божественнаго

Христовá смиренíя ревнителя, / подающаго мiро-
ви вéлию мiлость.

Слáва, глас 8:

Яко течéние дóбре скончáвшему, / и вéру соб-
лю́дшему непорóчную, / и врагí безплóтныя терпé-
нием твоим поправáвшему, / возложíся на честнýй
твой верх побéды венéц пресвéтел / от руки
Вседержителя Бóга, / Егóже рáди мир и сýщая в
нем сýетства преобíдел есi. / Тем и святáя твой
чiстая душá на Небесá востечé, рáдующися, /
праведных же лицы сретóша ты, веселящися, / и
Небесная селéния свéтло восприяша, / блаженное
же и честное тéло твоé на землi пребывáет
нетлénно, / вёрным подавáя исцелéние. / Тёмже
вéрою правою / и тёплым желáнием святому тво-
емú грóбу припадающе, / Богомúдре Иоáнне, / про-
сим испросiти у Христа Бóга нашего / граду
твоемú непоколебiму и безмятэжну пребыти / от
навет вражiiх и поганскаго нашéствия, / вои-
нству побéды на врагí, / умирéния же мiру / и
спасéния душáм нáшим.

**И ны́не, Богорóдичен: Царь Небесный: или
праздника.**

**Вход, прокiмен дне и чтéния 3 (зри страницы
45—46).**

На стихóвне стихiры, глас 4.

Подóбен: Яко дóбля:

Свéтло возсияла естъ, я́ко сóлнце, / светозáрная
пáмьять твоя, / лучáми много облистáющи / твоих
добродéтельных деяний, / всеблаженне Иоáнне, / и
озаряющи вёрных рáзумы свéтом чудес твоих. /
Сию́ úбо пázднующе, / рáдостно ты слáвим и
вéрою ублажáем, / угóднице Христа, Бóга нашего: /
Егóже моли́ от тли и бед избáвити / вéрою пázдну-
ющия всечестное твоé успéние.

**Стих: Возвеселiтся праведник о Гóсподе / и
уповáет на Него́.**

Земнýй Ангел и Небесный человек / явился есi,
блаженне, / истóчник умилéния, мiлости течéние, /
струя́ исцелéний, Иоáнне досточúдне, / маслина
Бóжия, войстинну плодови́та, / елеем трудов твоих
просвещáя вёрно хвáлящая ты. / Моли́

Человеколю́бца / от бед изба́вити любóвию чту́щая па́мять твою́.

Стих: Пра́ведник, я́ко фíникс, процветёт, / я́ко кедр, и́же в Ливáне, умно́жится.

Ра́зум твой, преблаже́нне, / Божéственным свéтом сия́я, / телéсных страстéй превзы́де, / непримéсен до́льным нося́ о́браз, / и, вообража́я себе́ добродéтелями Божéственными, / показáся весь светоо́бразен споспешéнием Духа Пресвята́го, / Иоáнне премудре, пра́ведных похва́ло, / с ними́же моли́ Христа́, Бо́га на́шего, / от бед изба́вити пою́щая тя.

Сла́ва, глас 2:

От нечéстия во благочéстие пришéдый, / свéтом разу́мным от Бо́га просвещéн быв, / возненавíдел еси́ отéческую любóвь / и возлюбíл еси́ и́стинную véру Христову́. / Гра́да на́шего я́ко достíгнув, / в нем чýстым и непорóчным жити́ем / Гóсподеви угоди́л еси́ / и мно́гия лю́ди удивíл еси́ чудесы́, / Богоблаже́нне Иоáнне. / Но ны́не имéя дерзнове́ние ко Влады́ще всех Бо́гу, / моли́ о и́же véрою творя́щих всечестну́ю твою́ па́мять / и притека́ющих со усéрдием к чудéсному грóбу твоёму́, / изба́виться страстéй душе́вных же, вку́пе и телéсных, / и всяческих бед, и искушéний / и спастíся душáм на́шим.

И ны́не, Богорóдичен или́ пра́здника.

Тропа́рь, глас 5:

Нагото́ю телéсною и терпéнием / обнажи́л еси́ вра́жия кова́рствия, / облича́я неподóбное егó дея́ние, / зéльне стражда́ со́лнечный вар / и ну́ждныя вели́кия стúдени мра́за, / и огня́ не чул еси́, / Бóжиею по́мощию покрывáемь, / Иоáнне премудре, / моли́ о véрою творя́щих па́мять твою́ чéстно / и усéрдно притека́ющих к ра́це мощéй твоих, / изба́виться от бед и падéния избежа́ти.

Сла́ва, и ны́не, Богорóдичен или́ пра́здника.

НА УТРЕНИ

Тропáрь прáздника, двáжды. Слáва, святáго. И ны́не, прáздника.

По 1-й стихоло́гии седа́лен, глас 8.

Подóбен: Премúдрости:

От юности, яко светильник, возсиял еси, блаженне, / зельным воздержанием умертвив плотская взыграния, / тем и на высоту востекл еси Богоразумия, преславне, / пожив в мире богоугодно, / посрамил еси бесовская ополчения, Иоанне всеблаженне. / Сего ради вопием ти: / моли Христа Бога согрешений оставление даровати / чтущим любовию святую память твою.

Слáва, и ны́не, Богородичен:

В тину впад грехов, и несть мне постояния, / люте потопи мя буря прегрешений, / но, яко рождши Слова, единого Человеколюбца, / на мя, раба Твоего, призри / и избави мя всякаго греха, и страстей душевных, / и всякаго озлобления лукаваго убийцы. / Богородице Неискусомужная, моли Христа Бога грехов оставление дати ми, / Тебе бо надежду имам, раб Твой.

По 2-й стихоло́гии седа́лен, глас 4:

Яко в дому войстинну, на месте пúсте, / посреде безумных человек вселився, Богомудре Иоанне, / всяко озлобление претерпевая, / добрыя детели, якоже фимиам благовонен и жертву благоприятну, Богу принесл еси. / Темже, дерзновение стяжав к Немú, / моли даровати очищение согрешений / верою хвлящим святую память твою.

Слáва, и ны́не, Богородичен:

Неискусобрачная Невесто, Приснодево, с праведными восхваляем Тя, / яко Тобою величие сотвори нам днесь / Сын Твой и Бог Превечный от Отца, / Иже в ложеснах Твоих вместитися изволи, / да от лести свободит род наш.

По полиелѣи седáлен, глас 8.

Подóбен: Премúдрости:

Яко врачá премúдра и угóдника Госпóдня богоприятна восхва́лим, / чудесному твоему грóбу прикаса́ющесе, Богомúдре: / сошэдшесе же любовию и вѣрою, / во псалмѣх и пѣниих возра́дуемсе, сла́вляще Христа́, / такую́ю благодáть тебѣ дарова́вшего исцелѣний, Иоáнне всеблаже́нне. / Егóже моли согрешѣний оставлѣние дарова́ти / вѣрою и любовию прáзднующим всечестную пáмять твою́.

Сла́ва, и ны́не, Богорóдичен:

Яко Дѣву и еди́ну в жена́х, / Тя, без семене рóждшую Бóга плóтию, / вси ублажа́ем, рóди челове́чести: / Огнь бо вселіся в Тя Божества́, / и я́ко Младѣнца млеко́м пита́еши Зиждітеля и Гóспода. / Тем, а́нгельский и челове́ческий род, досто́йно сла́вим пресвято́е рождество́ Твое́ / и согласно вопи́ем Ти: / моли́ Христа́ Бóга согрешѣний оставлѣние дарова́ти / покланя́ющимся вѣрою пресвято́му рождеству́ Твоему́.

Степѣнна, 1-й антифóн 4-го глása. Прокімен: Возвеселітся прáведник о Гóсподе: **Стих:** Услы́ши, Бóже, глас мой: **Всякое дыхáние: Ева́нгелие от Матфе́я, зачáло 43.**

По 50-м псалмѣ стихіра, глас 4:

Челове́че Бóжий и вѣрный ра́бе, угóдниче Христовъ, / соверш́ителю Того́ Божѣственных повелѣний, / мýже, дивный в чудесѣх, / стóлпе и утвержде́ние гра́да нашего́ Устюга, / Цáрствія наслѣдниче, / Богоблаже́нне Иоáнне, / дерзнове́ние имѣя ко Христу́ Бóгу, / непреста́нно моли́ о душа́х наших.

Канóн Богорóдицы или́ прáздника, со ирмосóм на 6 и свята́го на 8. Творѣние Феофа́ново. Глас 4.

Песнь 1

Ирмос: *Мóря чермную́ пучину / невла́жными стопа́ми, / дрѣвний пешешествовав Изра́иль, / крестообра́зными Моисе́овыми рука́ми / Амалікову си́лу в пусты́ни победилъ есть.*

Прича́стием, е́же к Бóгу, преподóбне, был еси́ свет / и к Немú отлучи́лся еси́, Иоáнне блаже́нне, /

желаний крайних, благих надежд твоих, отче, исполнение приял еси.

Желанием сущим к Богу распалаемь, мир оставил еси / и Спутника обрел еси, Христа, отче Иоанне славне, / с Нимже стезю прошел еси спасительную, радуяся.

Обогатитися имиже, никакоже искушаемыми, возжелав, / богатство, и славу временную, мудре, и пищу мимотекущую, / мирское достояние добле-мудренне отринул еси.

Богородичен: Красную, избранную, всечестную и непорочную разумев Тя, / Божие Слово вселися в Тя / и, рождся из Тебе, сыны сотвори благодатию, / Богородицу чтущия Тя.

Песнь 3

Ирмос: Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

Усердно мыслей совлечеса деянием, / побеждая вражия полки Божественным пособием Духа.

Ранами Божественными, и воздержанием, и биением / страстей мирских, отче Иоанне, избегл еси.

Умориша врага постницы Твой, Иисусе, / умерщвления радостно, Владыко, Твоего животноснаго возжелевше.

Богородичен: Избавляючи человеки преслушания и лютаго падения, / всему виновнаго, Чистая и Всенепорочная, родила еси.

Ин кондак, глас 1:

Иоанне премудре, / земныя славы не возлюбив, / того ради яко неистов ся творя, / желая Царство Небесное наследовати, / ударения и укорения приемля, / наготу и зной терпя, / тем ныне со Ангелы ликуеши, / моли Христа Бога о душах наших.

Седален, глас 5:

Согласием Божественным озаряемь, / в пути ведущия Божественным сиянием ходив верно, / отче праведне Иоанне, врагов отбег прилогов, /

сын же света и дне явился еси, Иоанне Богоблаженне.

Слава, и ныне, Богородичен:

Мати Божия Пречистая, / град христианский
избави и люди Твоя, обычно зовущия, / противити-
ся врагом и гордым мыслом пособствуй, да вопием
Ти: / радуйся, Благословенная.

Песнь 4

Ирмос: Вознесена Тя видевши Церковь на
Кресте, / Солнце праведное, / ста в чине своем, /
достойно взываючи: / слава силе Твоей, Господи.

Соединився к стези праведне и богоносне, / в
Божественный град вшел еси, преподобне Иоан-
не, / спасительным сиянием обогатився.

Единообразен, преподобне Иоанне, смыслом
Богоносным, блаженне, быв, / Божественными по-
вестми и Божественною одеждою одеялся еси.

Сердце твое, скрижаль очищену, Святаго Духа
благодать обретши, отче, / написа совершенно
безстрастие, веру и любовь нелицемерну.

Богородичен: Седяй на престоле превознесенне
Херувимстем, / яко престол, Тя имея, на руку
Твоею почи, / Марие Богоневесто, преславный
Бог.

Песнь 5

Ирмос: Ты, Господи, мой Свет, / в мир пришел
еси, / Свет Святой, обращаай из мрачна
неведения / верою воспевающия Тя.

Пресветлую зарю приим, Иоанне, / яко солнце,
явился еси, / бесовскую тьму отгоняя, достобла-
женне.

Твоим желанием, Христе, окрился, блажен-
ный Иоанн / желание телесное, якоже изгребие
мирское, мудре оттрясе.

Силою Божественною душу укрепив, / в мир
Горний вселился еси, / свободився страстей, отче
Богомудре Иоанне.

Богородичен: Речения пророк совершишася: /
Дева роди Бога Слова, / выше естества и слова
пребывши Девою.

Песнь 6

Ирмос: *Пожру Ти со гласом хваления, Господи, / Церковь вопиет Ти: / от бесовския крове очищися / ради милости от ребр Твоих / истекшею Кровию.*

Ум твой весь к Богу простирая, непрестанными поучении, / плотския любве не пощадел еси, / благим ходатайством, Иоанне, присвоения.

Ни скверныя вражды прият, блаженне, посреди тебе мира живущу, / чистыми же паче мольбами очищаеши скверны душевныя / притекающих к раце мощей твоих.

Ты, плотских мудрований вышши помысл имея, / не уязвился еси, посреди жен обнажаемь: / безстрастия бо одеждею, Иоанне, облелся еси.

Богородичен: *Усты, и помыслом, и сердцем, Пречистая, / Тя, Богородицу, проповедаю: / Тобою бо Богу примирихомся, / отринувении преступлением первее праотца.*

Кондак, глас 8:

Вышняя красоты желая, / нижняя сладости телесное ядение тщательно оставил еси, / нестяжанием суетнаго мира возлюбил еси ангельское житие, / переходя скончався, Иоанне блаженне, / с нимиже моли Христа Бога непрестанно о всех нас.

Икос:

Како возмогу грешный и скверный аз, вкупе душею и телом, / исписати сущее во плоти равноангельное житие твое и преславная чудеса, / аще убо мнози премудрии не достигнут исповедати / многаго твоего терпения, и смирения, / и теплыя ко Христу любве? / Но обаче надеяся на твое беззлобие, о блаженне, сице вопию ти: / радуйся, пресветлая звездо, от юга возсиявшая и к востоку пришедшая; / радуйся, возненавидивый отеческую любовь, / Христа же единого, над всеми сущаго Бога, всем сердцем возлюбивый / и Тому невозвратным желанием последовавший. / Радуйся, буйственное и юродственное, еже по апостолу, жителство избравый; / радуйся, пременивый

тлѣнная и настоящая надежду будущих благ./
 Рáдуйся, дрéвнему Иову уподóбивыйся терпéни-
 ем;/ рáдуйся, стрáстотерпче Христóв непобедí-
 мый,/ прísно победíвый диáвола твоím смирéни-
 ем./ Рáдуйся, я́ко дрéвний он Лázарь нíщий,/
 почивáя ны́не в лóнех Авраáмлих;/ рáдуйся, и́же
 по отшéствии мíра сегó сýщим в бедáх и искушé-
 нних готóв обретáясь предстáтель/ и застúпник
 гра́ду нáшему Устюгу./ Рáдуйся, вездé призывá-
 ющия тя бýстро предваря́й;/ рáдуйся, Богомúдре
 Иоáнне.

Песнь 7

Ирмóс: В пещí авраáмстии óтроцы персídстей,/ *любóвию благочéстия пáче,/ нéжели пла́менем, опаля́еми, взывáху:/ благословén есí в хра́ме сла́вы Твоея́, Гóсподи.*

Содержíм сый ко Христú, преподóбне óтче Иоáнне, Божéственною любóвию другíх спасти́,/ и́хже рáдостно спасл и избáвил есí, вопи́я:/ благословén Бог отéц нáших.

С Небесé тебе подáнную, óтче Иоáнне, при́йм пíщу,/ сéю препита́в всех, благопоко́рно приéм-
 лющих тво́я повелéния,/ и́миже до́лу влеку́щий
 грех оставл́яху, блажénне.

Послéдовав отéческим предáнием, óтче Иоáнне мúдре,/ па́губу отрíнути заповéдал есí, зовы́й
 Бо́гу:/ благословén Бог отéц нáших.

Богорóдичен: Вы́шняго освящénное Божéствен-
 ное селéние, рáдуйся:/ Тобóю бо дадéся рáдость,
 Богорóдице, зовúщим:/ благословéна Ты в жена́х
 есí, Всенепорóчная Влады́чице.

Песнь 8

Ирмóс: Ру́це распрóстер, Дани́ил/ львов зи́яния
 в рóве затчé;/ óгненную же сíлу угасíша,/ добродéтелию препоя́савшеся,/ благочéстия ра-
 чители óтроцы, взывáюще:/ благословíte, вся
 дела́ Госпóдня, Гóспода.

Всесвётлая звездá, сýщих в тимéнии стрáстей
 приводя́ к животú,/ творíти Божéственны́я за́по-
 веди и нечýстия целомúдренно жíти,/ отгóниши

лю́тыя недуги, вопия: / благословіте, пойте и превозносите Его́ во ве́ки.

Ты цел умом в крове чудных, мудре, / многих уловил еси́ юродствоватьи Господа́ ради, / ведый наруга́емь быти, вопия, честнейший Ио́анне блаженне: / благословіте, пойте и превозносите Его́ во ве́ки.

Совершен един своих сущих сла́вляй Госпо́дь, / прославляя́ тя, преподо́бне, ко гробу́ твоему́ притека́ющия исцеля́ет, светлословенными зову́щия: / благословіте, пойте и превозносите Его́ во ве́ки.

Богородичен: Избавля́яй нас возсия́ из Тебе́ Госпо́дь, Де́во Чы́стая, / Егóже моли́, Влады́чице, просвети́ти пою́щия Тя / и обстоя́ния нас изба́вити, пою́щих: / благословіте, пойте и превозносите Его́ во ве́ки.

Песнь 9

Ирмос: Ка́мень неруко́сечный / от несекóмыя горы́, Тебе́, Де́во, / краеуго́льный отсече́ся, / Христо́с, совокупы́вый разстоя́щаяся естества́. / Тем, веселя́щися, Тя, Богороди́це, велича́ем.

Всем се́рдцем Трои́це усердно́ предложився, / иже от Нея́ лучу́ богоде́льно при́йм, / светови́ден быв, со А́нгелы лику́еши.

Желани́ем Божественным прие́динився и воздержани́ем просвеще́ся, / ча́емых ве́чных благ во прича́стии быв, / Богоблаже́нне Ио́анне, и наслажде́нии.

Твоя́ болѣзнь и по́ты во вселенней сла́вятся, / ты же Небесно́ю сла́вою пита́йся, Ио́анне, / нас непреста́нно помина́й.

Богородичен: Спаси́ мя, всех ро́ждши Изба́вителя и Благоде́теля, / разоривши́ души́ моея́ о́блак, Свѣта о́блаче, Свята́я Влады́чице, / си́льна соде́лай на стра́сти, борю́щия мя.

Свети́лен:

Совета́ удали́лся еси́, бе́гая, нечестивых сожительства, / Христу́ же, над все́ми Бо́гу нашему́, непоро́чным жити́ем угоди́л еси́, Ио́анне, / Егóже ны́не моли́ о нас, рабѣх твои́х, / ве́рою прázдну-

ющих всечестную память твою, Богомудре Иоанне.

Богородичен:

Мудрость Ипостасную, и Слово Пресущное, / и Врача всех порождши, Дево, / струпы и язвы души моей исцели, лютыя и многовременныя, / и устави сердца моего страстная помышления.

На хвалитех стихиры на 4, глас 4.

Подобен: Дал еси знамение:

Дал еси притчу терпения и мужества, / Преблагий Господи, / праведнаго Иоанна и многочисудснаго, / добродетельми, и словесы, и дела сияюща, / целомудрием украшаема и кротостию. / Тем Твое неизреченное смотрение славим, / Иисусе Всесильне и Спасе душ наших.

Праведен и незлобив, / истинен же, и непорочен, и верен, / уклоняся от всякия злобныя вещи, / показался еси, Иоанне блаженне, / просвещен добродетельми и благочестием сияя, / тем тя ублажаем / и святое твое и честное днесь празднуем успение, / радующеся, Богомудре.

Целомудрием и благоверием, / яко багрянницею многоценною, одевся, Иоанне, / правдою же и кротостию, яко Божественным венцем, увязлся еси, / со страждущими Христа ради царствовать возжелел еси. / И ныне Царю сил предстоиши, / Иисусу Всемиловитому и Спасу душ наших.

Слава, глас 8:

Добродетелей твоих, Богомудре Иоанне, / исправления уясниша верных сердца: / кто бо, слыша безмерное твое смирение и терпение, / не удивится ко всем кротости и беззлобию, / к скорбящим милованию / и к сущим в бедах скорому поможению, / к плавающим немятежному пристанищу / и в путь шествующим благому поспешению? / Вся боголепно предварил еси, досточудне. / И ныне неувядаемым венцем венчался еси / от руки Вседержителя Бога, / Егоже моли спастися душам нашим.

**И ныне, Богородичен или праздника.
Славословие великое и отпуст.**

На Литургіи служба преподобническая.

Моли́тва

О святы́й блаже́нный Иоа́нне! Припа́дающе, смире́нно мо́лимся: приими́ наше́ ма́лое моле́ние и умоли́ Всеми́лостиваго Го́спода Бо́га наше́го, да проба́вит ми́лость Свою́ нам, грешным, и да да́рует нам вся, я́же к животу́ и ко спасе́нию благопотре́бная. О уго́днице Христо́в! а́ще и zeló недостойни есмы́, о́баче ду́хом сокруше́нным и се́рдцем смире́нным па́ки припа́дающе, мо́лимся: предста́тельством твои́м ко Го́споду сохрани́ страну́ нашу́, да́руя ей на вся враги́ побéду и одоле́ние, град твой У́стюг и вся гра́ды и ве́си Росси́йския соблюди́ от вся́каго зла и от вся́кия напа́сти, губи́тельства, гла́да, тру́са, пото́па, огня́, мечá, наше́ствия инопле́мёнников и междуо́сбнныя бра́ни, от вся́кия болéзни и от вся́каго обстоя́ния, да всегда́ поём и велича́ем все́святое и великоле́пое Имя́ Бо́жие и твоё ми́лостивое о нас предста́тельство, во ве́ки веко́в. **Ами́нь.**

Блаженный Иоанн, Христа ради юродивый, Устюжский чудотворец, родился в селе Пухово близ Старого Устюга от благочестивых родителей Саввы и Марии. С юных лет он отличался строгой постнической жизнью, по средам и пятницам ничего не ел, а в остальные дни питался хлебом и водой. «Почему ты, сынок, постишься в такие юные годы?» — спросила его мать. «Чтобы избавиться от грехов», — ответил отрок. «Какие же могут быть у тебя грехи?» — удивилась мать. «Безгрешен один только Бог, — сказал святой Иоанн. — Не будем насыщать плоти, чтобы она не стала врагом нашим».

Вскоре его родители переехали в город Орлец на реке Юг, в 40 верстах от Устюга. Овдовев, мать святого приняла постриг в Троицком Орлецком монастыре с именем Наталия. Отрок Иоанн начал безмолвствовать, а затем подвизался в юродстве. Перейдя в город Устюг, он поселился в построенной для него хижине и проводил ночи в непрестанной молитве. Днем же, в разодранном рубище и босой во всякое время года, ходил по

улицам города, отдыхая иногда на куче навоза и смиренно перенося насмешки и обиды от неблагочестивых горожан.

Блаженный Иоанн тщательно скрывал свой молитвенный подвиг, избегая людской молвы. Однажды зимой, войдя в свою хижину, он с воздетыми руками стал молиться. Через некоторое время блаженный Иоанн подошел к русской печи и размешал в ней раскаленные угли, затем он оградил себя крестным знаменем и со словами: «Знаменася на нас свет лица Твоего, Господи!» — лег на них. Некий человек по имени Григорий, который наблюдал за святым из соседнего помещения, испугался и вбежал к нему. Блаженный Иоанн сошел с печи и, строго посмотрев на незваного гостя, сказал: «Не смей никому говорить об этом до моей смерти!» Обещание было выполнено.

Святой Иоанн постоянно терпел голод и жажду, но ничего ни от кого не брал. Если он и одевался, то обычно в ветхую одежду. Еще при жизни он удостоился от Бога дара чудотворения. Жена Устюжского кня-

зя Феодора Красного Мария жестоко страдала от горячки. Она послала к блаженному своему слугу с просьбой помолиться о ней. Не успел посланец подойти к навозной куче, на которой сидел святой Иоанн, как блаженный воскликнул: «Здравствуй, добрый князь Феодор с княгиней своей!» Когда слуга вернулся домой, княгиня была уже исцелена.

Блаженный Иоанн преставился 29 мая 1494 года, сравнительно молодым. Он был погребен близ Устюжского собора. У мощей святого Иоанна происходило немало чудесных исцелений. Через некоторое время после его кончины благочестивый гражданин Устюга Феодор Тутыгин по данному им обещанию Господу и святому Иоанну построил над мощами блаженного храм в честь Происхождения Честных Древ Креста Господня.

Служба святому Иоанну Устюжскому написана в XVI веке. В 1554 году по воспоминаниям знавших его людей было составлено его житие, а несколько позже — похвальное слово. Святой Иоанн особо прославился заступничеством при нашествии врагов. Благодаря его молитвам русское войско одержало победу над польско-литовскими захватчиками под Дмитровом в 1610 году; в 1613 году жители Устюга не только защитили свой город от поляков, но и разбили их. В благодарность святому Иоанну устюжане построили храм, освященный в его честь.

Литература

Юродство о Христе и Христа ради юродивые Восточной и Русской Церкви. М., 1902.



В
ТОЙЖЕ
ДЕНЬ

Празднование Пресвятёй Владычице нашей Богородице в честь иконы Ея, именуемая «Споручница грешных» (Службу зри 7 марта)

Тропарь, глас 4:

У молкáет ныне всякое уны́ние / и страх отча́-
яния исчеза́ет, / грешницы в ско́рби се́рдца
обрета́ют утеше́ние / и Небе́сною любóвию озаря́-
ются све́тло: / днесь бо Ма́терь Бо́жия простира́ет
нам спаса́ющую ру́ку / и от Пречи́стаго о́браза
Своего́ вещáет, глаго́лющи: / Аз Споручница греш-
ных к Моему́ Сы́ну, / Сей дал есть Мне за них ру́це
слы́шати Мя вь́ну. / Те́мже, лю́дие, обремене́ннии
грехи́ мно́гими, / припадите к подно́жию иконы́ Ея́,
со слезáми вопи́юще: / Засту́пнице ми́ра, грешным
Споручнице, / умоли́ Ма́терними Твоими́ моли́тва-
ми Иза́вителя всех, / да Божество́нным всепро́ще-
нием покрýет грехи́ наша / и све́тлыя двéри
ра́йския отве́рзет нам, / Ты бо еси́ предста́тельство
и спасе́ние ро́да христиа́нского.

Конда́к, глас 1:

Честно́е жили́ще бѣ́вшее / неизрече́ннаго есте-
ства́ Божѣ́ственнаго / вѣ́ше сло́ва и па́че ума́ / и
гре́шным еси́ Спору́чница, / подава́еши благода́ть
и исцеле́ние, / я́ко Ма́ти всех Ца́рствующаго: / моли́
Сы́на Твоего́ / получи́ти нам ми́лость в День
су́дный.

Икона Божией Матери Споручница грешных (2-е празднование 7 марта) названа так по первой строке стиха, сохранившегося на самой иконе: «Аз Споручница грешных к Моему Сыну. Сей дал Мне за них руге слышати Мя выну. Да тии иже радость выну Мне приносят, радоватися вечно чрез Меня испросят».

По содержанию стиха и изображению Божией Матери и Богомладенца икона, вероятно, была написана в юго-западных областях России в XVII веке. Однако прославление ее началось в 40-е годы XIX века. К этому времени чудотворный образ Божией Матери Споручница грешных находился в Николаевском мужском Одрине монастыре Орловской епархии. Стоял он между другими иконами в обветшавшей часовне. Сама икона потускнела и была покрыта пылью, так что даже нельзя было прочесть надписи.

В 1843 году многим жителям в сновидениях было открыто, что этот образ наделен чудотворной силой. По молитвам перед этой иконой первым был исцелен мальчик, страдавший недугом. Святой образ был очищен и торжественно перенесен в монастырскую церковь. Вскоре от иконы последовали другие чудесные знамения. В Одринском монастыре в честь иконы Споручница грешных было решено построить большой трехпрестольный храм. Для сбора средств на монастырь и для того, чтобы заказать ризу на чудотворную икону, в Москву был послан один иеромонах из числа братии. Он остановился в доме благочестивого и странноприимного отставного подполковника. По окончании своего пребывания в Москве иеромонах в знак благодарности подарил гостеприимному москвичу точную копию с чудотворной иконы, которая по истечении продолжитель-

ного времени стала проявлять благодатные свойства: светиться, источать целительное миро.

В 1848 году чудотворный список иконы был передан в дар в московский храм во имя Святителя Николая. Вскоре жители Хамовников, где находилась Никольская церковь, стали наблюдать странное явление: в ночные часы окна алтаря храма начинали светиться. Как было установлено, необычайно яркое свечение исходило от иконы Божией Матери Споручница грешных. Тысячи москвичей приходили в эти дни к храму, чтобы самим удостовериться в Божием знамении.

По прошествии некоторого времени свечение прекратилось, однако началось новое явление: на иконе в самых разных местах стали проступать капли целебной влаги. Стоявший у чудотворного образа священнослужитель постоянно протирал икону тканью, части которой раздавал народу. Последовали исцеления от различных болезней. Особенно Божия Мать помогла через Свой чудотворный образ умиравшим от холеры, свирепствовавшей в Москве в 1848 году. Кроме того, были известны исцеления от врожденной глухоты, слепоты и многих других недугов. В 1872 году в Николо-Хамовническом храме был освящен придел в честь иконы Божией Матери Споручница грешных, в иконостасе которого и до настоящего времени хранится этот чудотворный образ.

Литература

1. Сказание о чудотворной иконе Божией Матери Споручницы грешных. М., 1882.
2. Снеессорева С. Земная жизнь Пресвятой Богородицы и описание святых чудотворных Ее икон. СПб., 1898.